



SLUŽBENI GLASNIK

UNSKO-SANSKOG KANTONA

Godina XI - Broj 10

1. juna 2007.
BIHAĆ

Izdanje na bosanskom
jeziku

187.

Na osnovu člana 17. Zakona o Vladi Unsko-sanskog kantona ("Službeni glasnik Unsko-sanskog kantona", broj 2/97, 3/00, 5/00, 3/03 i 20/04) i člana 36. Zakona o izvršenju Budžeta USK za 2007. godinu ("Službeni glasnik Unsko - sanskog kantona", broj 6/07), a na prijedlog Kantonalnog ministarstva poljoprivrede, vodoprivrede i šumarstva, Vlada Unsko - sanskog kantona, na sjednici održanoj dana 24.5.2007. godine, donosi

ODLUKU

O VRSTI, OSNOVNIM KRITERIJIMA I NAČINU OSTVARIVANJA NOVČANIH PODRŠKI U PRIMARNOJ POLJOPRIVREDNOJ PROIZVODNJI IZ BUDŽETA UNSKO-SANSKOG KANTONA ZA 2007. GODINU

OSNOVNE ODREDBE

I

Ovom Odlukom utvrđuju se vrste, osnovni kriteriji i način ostvarivanja novčanih podrški u primarnoj poljoprivrednoj proizvodnji (u daljem tekstu: podrške) iz Budžeta Unsko-sanskog kantona za 2007. godinu (u daljem tekstu: Budžet USK-a).

Podrške iz ove Odluke ostvaruju pravna i fizička lica (u daljem tekstu: korisnici) prema osnovnim kriterijima na način propisan u Uputstvu Kantonalnog ministarstva poljoprivrede, vodoprivrede i šumarstva (u daljem tekstu: Uputstvo).

Kantonalno ministarstvo poljoprivrede, vodoprivrede i šumarstva donijet će rješenje o osnivanju Komisije za ostvarivanje novčanih podrški u primarnoj poljoprivrednoj proizvodnji iz budžeta USK-a (u daljnjem tekstu: Komisija), koja će u saradnji sa Poljoprivrednim zavodom USK-a, općinskim poljoprivrednim službama i Upravom za inspeksijske poslove USK-a vršiti obradu, analizu i kontrolu dostavljenih aplikacija korisnika za sve vrste novčanih podrški u primarnoj poljoprivrednoj proizvodnji, a u skladu sa Uputstvom.

Na osnovu zahtjeva korisnika za isplatu novčanih podrški, zapisnika Komisije o ispunjavanju uvjeta za ostvarivanje prava na novčanu podršku i obračuna visine naknade, kantonalni ministar odobrava isplatu podrške iz budžeta Kantona putem Kantonalnog ministarstva finansija (u daljem tekstu: Trezor).

VRSTE PODRŠKI

II

Podrške u primarnoj poljoprivrednoj proizvodnji ostvaruju se za:

Red. broj	Vrsta podrške	Obim poticaja	KM/ jedinici proizvodnje	Limit	%	Plan u 2007. KM
A.	Stočarstvo					
1.	uzgoj priplodnih junica	700	300	1-2 grla	16,2%	210.000
2.	uzgoj priplodnih ovaca i koza	1.000	30	20-30 grla	2,3%	30.000
3.	selekcijски rad	700	5	≥ grla	0,3%	3.500
4.	tov junadi	270.000	0,6	5-10 grla	12,5%	162.000
5.	tov jagnjadi	60.000	0,5	15-30grla	2,3%	30.000
6.	tov svinja	12.500	0,4	≥15 grla	0,4%	5.000
7.	uzgoj 18-nedjeljnih pilenki	0	0	0	0,0%	0
8.	tov pilića	0	0	0	0,0%	0
9.	uzgoj matičnog jata pilenki teških linija	5.000	1	≥1000	0,4%	5.000
10.	uzgoj matičnog jata pilenki lakih linija	6.000	1	≥1000	0,5%	6.000
11.	proizvodnja autohtone mladi lipena, potočne pastrmke i mladice				1,5%	20.000
12.	proizvodnja meda 80.000+20.000 KM (sa numerizacijom košnica)	100.000	0,8	≥300 kg	7,7%	100.000
13.	proizvodnja selekcioniranih matica pčela	1.000	5		0,4%	5.000
A.	Ukupno				44,3%	576.500
B.	Ratarstvo i povrtlarstvo					
1.	proizvodnja sjem. krompira 2007.	35	500	≥ 3-5ha	1,3%	17.500
2.	sjemenska proizv. žitarica pšenice, raži, ječma, tritikale i zobi	51.000	0,1	≥ 2ha	0,7%	9.100
3.	merkantilna pšenica i raž	500	0,05	≥ 5 tona	1,9%	25.000
4.	proizvodnja povrća	600.000	0,05	≥ 2,0 tona	2,3%	30.000
5.	uzgoj ljekovitog bilja	7	1000	≥ 0,2 ha	0,5%	7.000
6.	proizvodnja uljarica (soja, repica, suncokret)	300.000	0,1	≥ 1,0 ha	2,3%	30.000
7.	proizvodnja u zatvorenom prostoru, staklenici , plastenici	5.000	5	≥ 150 m ²	1,9%	25.000
B.	Ukupno				11,0%	143.600

Red. broj	Vrsta podrške	Obim poticaja	KM/ jedinici proizvodnje	Limit	%	Plan u 2007. KM
C.	Voćarstvo					
1.	zasnivanje voćnjaka	12	3.000	≥ 0,2ha	2,8%	36.000
2.	zasnivanje zasada jagod. voća	7	2.500	≥ 0,1ha	1,3%	17.500
C.	Ukupno				4,1%	53.500
D.	Razno					
1.	subvencija kamata				0,0%	0
2.	izdavanje časopisa				0,0%	0
3.	razvoj novih tehnologija (projekti)				2,8%	36.400
4.	rezervna sredstva				5,1%	66.000
5.	zaštita bilja				1,2%	15.000
6.	osposobljavanje stručnih kadrova za realizaciju novčanih podrški				0,5%	6.000
7.	sredstva za stručne i administrativne poslove				1,2%	15.000
8.	razvoj organske poljoprivredne proizvodnje				1,9%	25.000
9.	participacija mliječnog kartona	10.000	20	≤ 1 grla	15,4%	200.000
10.	zaštita životinja				0,0%	0
11.	analiza poljoprivrednog zemljišta				1,5%	20.000
12.	obaveze iz prošle godine (proizvodnja sjem.krompira 2006)				1,6%	21.000
13.	zaštita ribljeg fonda (poribljavanje)				1,9%	25.000
14.	analiza volum. i koncentrovane stočne hrane				2,7%	35.000
15.	sufinansiranje nabavke opreme za kontrolu prisustva pesticida u hrani				4,8%	62.000
D.	Ukupno				40,5%	526.400
	SVEUKUPNO				100,0%	1.300.000

**OSNOVNI KRITERIJI ZA
OSTVARIVANJE PODRŠKI****III****Opći kriteriji:**

1. Fizičko ili pravno lice koje je ostvarilo proizvodnju ili djelatnost u 2007. godini na području teritorije Unsko-sanskog kantona (u daljem tekstu: Kanton), a koji se vodi u registru poljoprivrednih proizvođača kod općinskih službi za poljoprivredu, stiču pravo na ostvarivanje novčane podrške.

2. U slučaju da se utvrđena kvota po vrstama sredstava radi objektivnih okolnosti djelimično ne iskoristi, Kantonalno ministarstvo poljoprivrede, vodoprivrede i šumarstva ima pravo da preusmjeri sredstva iz oblasti u oblast.

3. Visina novčane podrške za sve proizvodnje je limitirana, te ukoliko bude iznos sredstava po odobrenim zahtjevima veći od planiranog, preostala sredstva bit će podijeljena na osnovu procentualnog učešća u proizvodnji.

Posebni kriteriji:

Podršku za uzgoj priplodnog podmlatka iz poglavlja II tačka A1. ove Odluke stiču registrovani uzgajivači čiji je priplodni podmladak upisan u Registar podmladaka u skladu sa Pravilnikom o obilježavanju životinja i šemi kontrole kretanja životinja ("Službeni glasnik BiH," broj 28/03).

1. Objekti koji su upisani u Registar Kantonalnog ministarstva poljoprivrede, vodoprivrede i šumarstva mogu koristiti za vlastiti uzgoj ili prodaju ako uzgoje ili proizvedu najmanje:

- priplodnih junica 1 - 2 grla,
- priplodnih ovaca i koza 20 - 30 grla.

2. Podrške za uzgojno-seleksijski rad iz poglavlja II tačka A3. ove Odluke ostvaruje Kantonalna uzgojno-seleksijska služba pri Poljoprivrednom zavodu Unsko-sanskog kantona registrovana za ovu vrstu djelatnosti, a da pritom ostvaruje tijesnu saradnju sa Kantonalnim ministarstvom.

3. Podrške za tov junadi, jagnjadi i svinja iz poglavlja II tačke A4, A5. i A6. ove Odluke ostvaruju držaoci tovnih grla registrovani u Kantonalnoj uzgojno-seleksijskoj službi, a koji utove i plasiraju najmanje 5 junadi ili 15 jagnjadi ili 15 svinja. Pravo na podrške za tov imaju tovljači za 300 kg prirasta po junetu sa najmanjom izlaznom težinom od 500 kg, tovljači jagnjadi prirasta 30 kg po jagnjetu sa najmanjom izlaznom težinom od 50 kg i tovljači svinja prirasta od 90 kg po svinji sa najmanjom izlaznom težinom od 120 kg.

4. Uzgoj matičnog jata pilenki teških linija - pravna i fizička lica koja uzgoje i drže za dalju reprodukciju najmanje 1.000 komada pilenki roditeljske linije.

5. Uzgoj matičnog jata pilenki lahkih linija - pravna i fizička lica koja uzgoje i drže za dalju reprodukciju najmanje 1.000 komada pilenki roditeljske linije.

6. Proizvodnja mlađi lipena, potočne pastrmke i mladice - pravna lica koja proizvedu riblju mlađ u količini od najmanje 100.000 komada.

7. Proizvodnja meda - fizička i pravna lica koja godišnje proizvedu i prodaju najmanje 300 kg meda.

8. Proizvodnja selekcionisanih matica - ostvaruju pravna i fizička lica koja proizvedu najmanje 80 selekcionisanih matica.

9. Podrške za proizvodnju sjemena iz poglavlja II tačka B1. i B2. ove Odluke ostvaruju registrovani proizvođači sjemena. Proizvedeno sjeme za prodaju mora posjedovati certifikat nadležne institucije o sortnosti i kvalitetu. Površina na kojoj se proizvodi sjeme ne smije biti manja od 2 ha kod sjemenske proizvodnje strnih žitarica, odnosno 3 ha kod proizvodnje sjemenskog krompira.

10. Podrške za proizvodnju merkantilne pšenice iz poglavlja II tačka B3. ove Odluke ostvaruju proizvođači ako proizvedu i plasiraju registrovanim otkupljivačima za preradu najmanje 5 tona pšenice i raži.

11. Podrške za proizvedenju povrća za industrijsku preradu - korisnici koji proizvedu i plasiraju povrće registrovanom prerađivaču - otkupljivaču, koji je u sistemu PDV-a, prodaju najmanje dvije tone povrća.

12. Podrška za proizvodnju ljekovitog bilja - korisnici koji zasnivaju proizvodnju ljekovitog bilja na minimalnoj površini od 0,2 ha.

13. Podrška za proizvodnju uljarica - korisnici koji zasnivaju proizvodnju na minimalnoj površini od 1 ha.

14. Podrška za podizanje zatvorenih prostora (plastenika i staklenika) - ostvaruju korisnici koji podignu plastenik odnosno staklenik minimalne površine od 150 m² i ostvare minimalno jednu proizvodnju u 2007. godini.

15. Podrške za podizanje novih voćnjaka iz poglavlja II tačka C1. i C2. ove Odluke ostvaruju lica koja podignu zasad na površini od 0,2 do 3 ha kod drvenastih voćnih vrsta, odnosno 0,1 ha kod jagodičastog voća.

16. Podrške za razvoj novih tehnologija u primarnoj poljoprivrednoj proizvodnji iz poglavlja II tačka D3. ove Odluke mogu ostvariti naučne i stručne institucije, te fizička lica na osnovu podnesenog programa-projekta koji mora biti odobren od strane Komisije Kantonalnog ministarstva poljoprivrede, vodoprivrede i šumarstva.

17. Podršku za zaštitu bilja ostvaruje Poljoprivredni zavod USK-a kao nosilac Izvještajno-prognozne službe, a na osnovu podnijetog programa.

18. Podršku za razvoj organske poljoprivrede ostvaruju pravna i fizička lica koja su u fazi certifikacije.

19. Podršku za participaciju mliječnog kartona ostvaruju vlasnici mliječnih krava koji su u lancu otkupa mlijeka putem JU Veterinarski zavod Bihać USK-a, koji će vršiti laboratorijsku dijagnostiku na osnovu podnijetog programa.

20. Podršku za analizu voluminozne i koncentrovane stočne hrane (proizvedene kod poljoprivrednog proizvođača) ostvaruje poljoprivredni proizvođači putem Poljoprivrednog zavoda na osnovu podnijetog programa.

21. Podršku za zaštitu ribljeg fonda (poribljavanje ribolovnih voda USK-a) ostvaruju fizička, pravna lica i udruženja sportskih ribolovaca USK-a koji su sklopili ugovore za korištenje ribolovnih voda sa Kantonalnim ministarstvom poljoprivrede, vodoprivrede i šumarstva.

22. Podršku za osposobljavanje stručnih kadrova za realizaciju novčanih podrški D. tačka 6. ostvaruju certificirani stručnjaci na osnovu podnesenog programa odobrenog od strane Komisije.

23. Sredstva za stručne i administrativne poslove ostvaruje Komisija za podrške i operativna lica koja su učestvovala u kompletiranju, obradi i realizaciji kantonalnih novčanih podrški iz budžeta USK-a. Na osnovu podnijetog izvještaja Komisije, kantonalni resorni ministar rješenjem će utvrditi pojedinačnu visinu naknade.

NAČIN OSTVARIVANJA PODRŠKI

IV

Podrške se ostvaruju na način propisan u Uputstvu Kantonalnog ministarstva poljoprivrede, vodoprivrede i šumarstva.

Kontrolu opravdanosti svakog zahtjeva za isplatu podrški i obima traženih sredstava vršit će Komisija u skladu sa Uputstvom.

Komisija je u obavezi da vodi evidenciju primljenih i obrađenih zahtjeva.

V

Radi koordinacije aktivnosti po podrškama, zadužuje se Kantonalno ministarstvo finansija (Trezor) da mjesečno u pisanoj formi izvještava Kantonalno ministarstvo poljoprivrede, vodoprivrede i šumarstva o izvršenju isplata za sve vrste podrški.

VI

Nadzor nad sprovođenjem ove Odluke vrši Kantonalno ministarstvo poljoprivrede, vodoprivrede i šumarstva u saradnji sa Kantonalnom upravom za inspeksijske poslove, svako u okviru svojih nadležnosti.

VII

Za realizaciju ove Odluke zadužuje se Kantonalno ministarstvo poljoprivrede, vodoprivrede i šumarstva i Kantonalno ministarstvo finansija, svako u okviru svojih nadležnosti.

VIII

Zadužuju se Kantonalno ministarstvo poljoprivrede, vodoprivrede i šumarstva i Kantonalno ministarstvo finansija da Vladi Unsko-sanskog kantona dostavljaju na kraju budžetske godine izvještaj i analizu o realizaciji podrški iz ove Odluke.

IX

Odluka stupa na snagu narednog dana od dana objavljivanja u "Službenom glasniku USK-a".

Broj 03-017-18/2007
24. maja 2007. godine
B i h a ć

Premijer Kantona
Šemsudin Dedić

188.

Na osnovu poglavlja IV Odluke o vrsti, osnovnim kriterijima i načinu ostvarivanja novčanih podrški u primarnoj poljoprivrednoj proizvodnji iz Budžeta Unsko-sanskog kantona za 2007. godinu, broj 03-017-18/2007 od 24.5.2007. godine, a u vezi sa članom 36. Zakona o izvršenju Budžeta USK-a za 2007. godinu ("Sl.glasnik USK-a", broj 6/07) kantonalni ministar poljoprivrede, vodoprivrede i šumarstva donosi

UPUTSTVO

**ZA OSTVARIVANJE NOVČANIH
PODRŠKI U PRIMARNOJ
POLJOPRIVREDNOJ PROIZVODNJI
ZA 2007. GODINU**

I - OPĆE ODREDBE

1. Ovim Uputstvom propisuju se uslovi koje moraju zadovoljiti pravna i fizička lica za ostvarivanje prava na novčane podrške (u daljem tekstu: kandidat), uređuju postupci za njihovo ostvarivanje, način isplate novčanih podrški, obaveze koje kandidat mora ispuniti prije primitka novčane podrške, utvrđuje plan raspodjele novčanih podrški i propisuje potrebna dokumentacija i obrasci, koji se nalaze u prilogu ovog Uputstva i čine njegov sastavni dio.

**II - NAČIN OSTVARIVANJA
NOVČANIH PODRŠKI**

2. Pravo na ostvarivanje novčanih podrški u primarnoj poljoprivrednoj proizvodnji imaju kandidati sa područja Unsko-sanskog kantona (u daljem tekstu: Kanton) koji ispunjavaju uslove propisane ovim Uputstvom i dostave zahtjeve najkasnije do 30.11.2007. godine.

3. Nakon obrade i provjere dostavljene dokumentacije korisnika uz obavezno popunjen registarski list, općinska poljoprivredna služba će u propisanim rokovima zahtjeve za isplatu novčanih podrški dostaviti Kantonalnom ministarstvu poljoprivrede, gdje će se svi zahtjevi evidentirati, a zatim (za animalnu proizvodnju) proslijediti Poljoprivrednom zavodu USK-a.

4. Nakon provjere dostavljene dokumentacije kandidata, odnosno zahtjeva, Komisija Kantonalnog ministarstva će, u propisanim rokovima, zahtjeve za isplatu novčanih podrški uz zapisnik dostaviti kantonalnom ministru poljoprivrede, vodoprivrede i šumarstva (u daljem tekstu: kantonalni ministar) na propisanim obrascima koji su sastavni dio ovog Uputstva (zahtjeve obraditi u excelu i dostaviti ih u elektronskoj formi, na disketi, CD-u) radi konačne obrade i odobravanja isplate novčanih podrški.

Obradu i kontrolu dostavljene dokumentacije vrši Komisija Kantonalnog ministarstva, a nadzor inspekcija.

Dostavljena dokumentacija kandidata uvodi se u djelovodnik predmeta akata i momentom upisa postaje službena dokumentacija.

Nadzor i kontrolu potencijalnih kandidata u fazi proizvodnje na terenu, kao i u toku prikupljanja i obrade dokumentacije, a prije dostavljanja Kantonalnom ministarstvu, odnosno Poljoprivrednom zavodu, vrše općinske službe za poljoprivredu i kantonalni poljoprivredni inspektori u skladu sa ovim Uputstvom.

Novčane podrške neće moći ostvariti kandidati koji uredno ne izmiruju kreditne obaveze po osnovu datih robnonovčanih kredita od strane Kantonalnog ministarstva poljoprivrede, vodoprivrede i šumarstva i Poljoprivrednog zavoda.

5. Kantonalno ministarstvo će u roku od 30 dana od dana prijema dokumentacije obrađenu dokumentaciju dostaviti Kantonalnom ministarstvu finansija - Trezoru radi isplate.

6. Visina novčane podrške za sve proizvodnje je limitirana, te ukoliko bude više aplikacija, odobreni novčani iznos bit će podijeljen na osnovu procentualnog učešća u proizvodnji.

1. OSTVARIVANJE NOVČANIH PODRŠKI ZA UZGOJ PRIPLODNIH JUNICA

7. Pravo na podršku stiču kandidati koji uzgoje najmanje jednu steonu junicu u skladu sa Pravilnikom o obilježavanju životinja i šemi kontrole kretanja životinja ("Službeni glasnik BiH", broj 28/03), a na osnovu mišljenja Uzgojno-seleksijske službe pri Poljoprivrednom zavodu USK-a.

8. Da imaju najmanje jedno grlo u staji i da su pod kontrolom uzgojno - seleksijskog rada, te da su obilježena ušnim markicama od strane veterinarske organizacije u skladu s Pravilnikom o obilježavanju životinja i šemom kontrole kretanja životinja ("Službeni glasnik BiH", broj 28/03).

9. Kandidati, uz zahtjev za poticaj, dužni su putem općinske poljoprivredne službe dostaviti Kantonalnoj komisiji slijedeću dokumentaciju:

- a) Prigojni karton za rasplodnu junicu,
- b) Kopiju obrasca A (Obrazac registracije imanja po Pravilniku o obilježavanju životinja i šemom kontrole kretanja životinja /"Službeni glasnik BiH", broj 28/03/),
- c) Uvjerenje veterinarske organizacije o vještačkom osjemenjavanju i utvrđenoj steonosti od najmanje četiri mjeseca,
- d) Potvrdu nadležne veterinarske stanice o zdravstvenom stanju i provedenim zdravstvenim mjerama u toku uzgoja,
- e) Izjavu Kantonalne seleksijske službe da se zahtjev za podršku podnosi prvi put,
- f) Popunjen obrazac A-1.

Komisija će kantonalnom ministru dostaviti obračun novčane podrške za uzgoj priplodnih junica.

2. OSTVARIVANJE NOVČANIH PODRŠKI ZA UZGOJ RASPLODNIH OVACA I KOZA

1. Pravo na novčanu podršku za uzgoj rasplodnih ovaca i koza imaju registrovani uzgajivači koji u tekućoj godini u vlastitom stadu proizvedu i uzgoje najmanje 30 rasplodnih ovaca i koza starosti najmanje osam mjeseci.

2. Držaoci životinja koji se "bave" nomadskom ispašom ovaca i koza nemaju pravo na podrške.

3. Osnovno stado treba biti obuhvaćeno programom ozgojno-seleksijskog rada od strane Kantonalne uzgojno-seleksijske službe.

4. Novčana podrška za uzgoj rasplodnih ovaca/koza iznosi 30, 00 KM/grlo.

5. Za isplatu novčanih podrški, korisnici Komisiji Kantonalnog ministarstva dostavljaju slijedeću dokumentaciju:

- a) Zapisnik Kantonalne seleksijske službe o broju proizvedenih grla s evidentiranim brojem ušnih markica za navedena grla,
- b) Potvrdu nadležne veterinarske organizacije o praćenju zdravstvenog stanja životinja i provedenim veterinarsko-zdravstvenim mjerama u toku uzgoja,
- c) Popunjen obrazac A-2.

3. SELEKCIJSKI RAD

15. Pravo na podršku stiče Uzgojno-seleksijska služba pri Poljoprivrednom zavodu.

16. Novčana podrška za seleksijski rad iznosi 5 KM/ priplodna junica.

17. Za isplatu novčanih podrški korisnik će Komisiji Kantonalnog ministarstva poljoprivrede, vodoprivrede i šumarstva dostaviti spisak izdanih matičnih listova i prigojnih kartona priplodnih junica s linijama ušnih markica u skladu s Pravilnikom o obilježavanju životinja i šemom kontrole kretanja životinja ("Sl. glasnik BiH", broj 28/03).

4. OSTVARIVANJE NOVČANIH PODRŠKI ZA TOV JUNADI

18. Pravo na podršku stiču kandidati koji utove i plasiraju najmanje pet, a najviše deset junadi za prirast 300 kg po junetu, s najmanjom izlaznom težinom od 500 kg/grlo. Grla u tovu moraju provesti najmanje 240, a najviše 300 dana.

19. Prije i nakon završenog tova junad moraju imati potvrdu o zdravstvenom stanju izdanu od nadležne veterinarske organizacije, te obilježena ušnim markicama u skladu s Pravilnikom o obilježavanju životinja i šemom kontrole kretanja životinja ("Službeni glasnik BiH", broj 28/03).

20. Prije i nakon završetka tova Kantonalna uzgojno-seleksijska služba utvrđuje broj junadi na obrascu A-4, koji propisuje Kantonalno ministarstvo.

21. Tov junadi podstiče se sa 0,60 KM/kg žive mjere, odnosno 180 KM/grlo. Za isplatu novčanih podrški kandidati Komisiji Kantonalnog ministarstva dostavljaju slijedeću dokumentaciju:

- a) Rješenje o upisu u sudski registar (za pravna lica),
- b) Račun o nabavci junadi za tov (ako nije iz vlastitog uzgoja),
- c) Kopiju obrasca A (Obrazac registracije imanja u skladu s Pravilnikom o obilježavanju životinja i šemom kontrole kretanja životinja /"Službeni glasnik BiH", broj 28/03/),
- e) Zapisnik Kantonalne uzgojno-seleksijske službe,
- d) Račun o plasmanu tovljenika,
- f) Potvrdu o zdravstvenom stanju nadležne veterinarske organizacije.

Komisija će kantonalnom ministru dostaviti obračun novčane podrške za tov junadi (obrazac A-4).

5. OSTVARIVANJE NOVČANIH PODRŠKI ZA TOV JAGNJADI

22. Pravo na podršku stiču kandidati koji utove i plasiraju najmanje 15, a najviše 30 jagnjadi za prirast 20 kg po jagnjetu s najmanjom izlaznom težinom od 30 kg.

23. Prije i nakon završenog tova jagnjad moraju imati potvrdu o zdravstvenom stanju izdanu od nadležne veterinarske organizacije, te obilježenu ušnim markicama od strane Uzgojno-seleksijske službe Kantona.

24. Prije i nakon završetka tova, Kantonalna uzgojno-seleksijska služba utvrđuje broj i težinu jagnjadi na obrascu A-5, koji propisuje Kantonalno ministarstvo.

25. Podrška za tov jagnjadi iznosi 0,50 KM/kg žive mjere, odnosno 10 KM/grlo.

26. Za isplatu novčanih podrški kandidati Komisiji Kantonalnog ministarstva dostavljaju slijedeću dokumentaciju:

- a) Rješenje o upisu u sudski registar (za pravna lica),
- b) Račun o nabavci jagnjadi za tov (ako nisu iz vlastitog uzgoja),
- c) Zapisnik Kantonalne uzgojno-seleksijske službe,
- d) Račun o plasmanu tovljenika,

- e) Potvrdu o zdravstvenom stanju, dokaz da jagnjad potječu iz stada slobodnih od bruceloze.

Komisija će kantonalnom ministru dostaviti obračun novčane podrške za tov jagnjadi (obrazac A-5).

6. OSTVARIVANJE NOVČANIH PODRŠKI ZA TOV SVINJA

27. Pravo na podršku stiču kandidati koji utove i plasiraju najmanje petnaest svinja za prirast 90 kg po grlu s najmanjom izlaznom težinom od 120 kg.

28. Prije i nakon završenog tova, svinje moraju imati potvrdu o zdravstvenom stanju izdatu od nadležne veterinarske organizacije, te obilježena ušnim markicama od strane Uzgojno-seleksijske službe Kantona.

29. Prije i nakon završetka tova, Kantonalna uzgojno-seleksijska služba utvrđuje broj i težinu svinja na obrascu koji propisuje Kantonalno ministarstvo.

30. Podrška za tov svinja iznosi 0,40 KM/kg žive mjere, odnosno 36 KM/grlo.

31. Za isplatu novčanih podrški kandidati Komisiji Kantonalnog ministarstva dostavljaju slijedeću dokumentaciju:

- a) Rješenje o upisu u sudski registar (za pravna lica),
- b) Račun o nabavci svinja za tov (ako nije iz vlastitog uzgoja),
- c) Zapisnik Kantonalne uzgojno-seleksijske službe,
- d) Račun o plasmanu tovljenika,
- e) Potvrdu o zdravstvenom stanju.

Komisija će kantonalnom ministru dostaviti obračun novčane podrške za tov svinja (obrazac A-6).

7. UZGOJ MATIČNOG JATA PILENKI TEŠKIH RODITELJSKIH LINIJA

1. Pravo na novčanu podršku stiču korisnici-pravna i fizička lica koja drže i uzgoje najmanje 1.000 komada pilenki.

2. Novčana podrška za uzgoj matičnog jata pilenki teških roditeljskih linija iznosi 1,00 KM/kom. Za isplatu novčanih podrški korisnici Komisiji Kantonalnog ministarstva dostavljaju slijedeću dokumentaciju:

- a) Dokaz o provedenim veterinarsko-zdravstvenim mjerama u toku uzgoja
- b) Dokumentat Uzgojno-seleksijske službe o broju uzgojenih pilenki.

Komisija će kantonalnom ministru dostaviti obračun novčane podrške za uzgoj matičnog jata pilenki teških roditeljskih linija (obrazac -A9).

8. UZGOJ MATIČNOG JATA PILENKI LAKIH LINIJA

3. Pravo na novčanu podršku stiču korisnici – pravna i fizička lica koja drže i uzgoje najmanje 1.000 komada pilenki.

4. Novčana podrška za uzgoj matičnog jata pilenki teških roditeljskih linija iznosi 1,00 KM/kom.

5. Za isplatu novčanih podrški korisnici Komisiji Kantonalnog ministarstva dostavljaju slijedeću dokumentaciju:

- a) Dokaz o provedenim veterinarsko-zdravstvenim mjerama u toku uzgoja,
- b) Dokument Uzgojno-seleksijske službe o broju uzgojenih pilenki.

Komisije će kantonalnom ministru dostaviti obračun novčane podrške za uzgoj matičnog jata pilenki teških roditeljskih linija (obrazac A-10).

9. OSTVARIVANJE NOVČANIH PODRŠKI ZA PROIZVODNJU MEDA

6. Pravo na podršku stiču pravna i fizička lica – proizviđači koji godišnje proizvedu i prodaju najmanje 300 kg meda.

7. Novčana podrška za proizvodnju meda iznosi 0,80 KM/kg.

8. Za isplatu novčanih podrški kandidati za podršku Komisiji Kantonalnog ministarstva dostavljaju slijedeću dokumentaciju:

- a) Rješenje o upisu u sudski registar (za pravna lica),
- b) Specifikaciju otkupa po vrstama meda,
- c) Potvrdu o računu o kupljenim količinama meda,
- d) Potvrdu Poljoprivrednog zavoda da se ne radi o patvorenom medu.

Komisija će kantonalnom ministru dostaviti obračun novčane podrške za proizvodnju meda (obrazac A-12).

10. PROIZVODNJA SELEKCIONIH MATICA

9. Pravo na novčanu podršku stiču korisnici – proizviđači koji uzgoje minimalno 80 matica.

10. Novčana podrška za proizvodnju selekcionisanih matica iznosi 5 KM/matica.

11. Za isplatu novčanih podrški korisnici Komisiji Kantonalnog ministarstva poljoprivrede dostavljaju slijedeću dokumentaciju:

- a) Knjigu evidencije o uzgojenim–prodanim maticama pčela,
- b) Potvrdu o sprovedenim veterinarsko-zdravstvenim mjerama tokom uzgoja,
- c) Zapisnik Uzgojno-seleksijske službe o broju proizvedenih selekcionih matica.

Zahtjev za isplatu novčane podrške za proizvodnju selekcionih matica podnosi se po realizovanoj isporuci, a najkasnije do 15. septembra tekuće godine.

11. NUMERIZACIJA KOŠNICA

16. Pravo na novčanu potporu stiče Kantonalno udruženje pčelara po saglasnosti Uzgojno -seleksijske službe Poljoprivrednog zavoda.

17. Sredstva namijenjena za istu novčanu podršku iskoristit će se za numerizaciju svih košnica pčelara (50 i više). Etiketa na košnici imat će evidencioni broj pčelara, pčelinjaka i pčelinjih društava.

Uzgojno-seleksijska služba Poljoprivrednog zavoda dostavit će Kantonalnom udruženju pčelara evidentirani broj pčelara po općinama s 50 i više košnica po dostavljenim aplikacijama iz 2006. godine. Kantonalna udruženja pčelara će, na osnovu istog, objaviti javni poziv za nabavku etiketa za označavanje košnica.

Izgled etikete odredit će Uzgojno-seleksijska služba Poljoprivrednog zavoda.

Numerizaciju košnica obaviti će komisija sastavljena od predstavnika Uzgojno-seleksijske službe Poljoprivrednog zavoda (dr. vet. medicine) i člana kojeg odredi Kantonalno udruženje pčelara u saradnji sa općinskim udruženjem pčelara.

Naknadu za rad članova komisije za označavanje, te kasnije evidentiranje u Uzgojno-seleksijskoj službi Poljoprivrednog zavoda, odredit će sporazumno ugovorom Kantonalno udruženje pčelara i Poljoprivredni zavod.

U cilju izbjegavanja eventualnih manipulacija sa etiketama, Kantonalno udruženje pčelara će za sve nove košnice, te njihovo numerisanje tražiti evidencioni broj od Poljoprivrednog zavoda.

12. OSTVARIVANJE NOVČANIH PODRŠKI ZA PROIZVODNJU SJEMENSKOG KROMPIRA–ROD 2007.

18. Pravo na podršku imaju kandidati ako su kod nadležnog suda registrovani za tu djelatnost i ako su upisani u registar proizvođača poljoprivrednog sjemena, presadnica i micelija jestivih i ljekovitih gljiva kod Federalnog ministarstva.

19. Kandidati za proizvodnju sjemenskog krompira moraju ostvariti proizvodnju na najmanjoj površini od 3 ha.

20. Podrška za proizvodnju sjemenskog krompira kategorije elite i originala i I sorte reprodukcije sa sorte liste iznosi 500 KM/ha.

21. Za isplatu novčanih podrški kandidati Komisiji Kantonalnog ministarstva dostavljaju slijedeću dokumentaciju:

- a) Zapisnik općinske poljoprivredne službe i kantonalnog poljoprivrednog inspektora o zasijanim površinama,
- b) Rješenje o upisu u sudski registar,
- c) ZK uložak, katastarsku evidenciju, ili ugovor o zakupu zemljišta,
- d) Uvjerenje da sjeme odgovara traženoj kategoriji koje izdaje Poljoprivredni zavod USK-a.

Komisija će kantonalnom ministru dostaviti obračun novčane podrške za proizvodnju sjemenskog krompira (obrazac B-1) .

13. OSTVARIVANJE NOVČANIH PODRŠKI ZA PROIZVODNJU SJEMENSKE PŠENICE, RAŽI, JEČMA, ZOB I TRITIKALEA

22. Pravo na podršku imaju kandidati ako su kod nadležnog suda registrovani za tu djelatnost i ako su upisani u registar proizvođača poljoprivrednog sjemena, presadnica i micelija jestivih i ljekovitih gljiva kod Federalnog ministarstva.

23. Kandidati za proizvodnju sjemenske pšenice, raži, ječma, zobi i tritikalea moraju ostvariti proizvodnju na najmanjoj površini od 2 ha.

24. Podrška za proizvodnju sjemenske pšenice, raži, ječma, zobi i tritikalea kategorije original i I sorte reprodukcije iznosi 0,10 KM/kg.

25. Za isplatu novčanih podrški kandidati Kantonalnom ministarstvu dostavljaju slijedeću dokumentaciju:

- a) Zapisnik općinske službe i kantonalnog poljoprivrednog inspektora o zasijanim površinama,
- b) Uvjerenje nadležne institucije (Poljoprivredni zavod) da sjeme odgovara traženoj kategoriji,
- c) ZK uložak, katastarsku evidenciju, ili ugovor o zakupu zemljišta.

Komisija će kantonalnom ministru dostaviti obračun novčane podrške za proizvodnju sjemenske pšenice, raži i ječma (obrazac broj B-2).

14. OSTVARIVANJE NOVČANIH PODRŠKI ZA PROIZVODNJU MERKANTILNE PŠENICE I RAŽI

26. Pravo na podršku imaju kandidati ako proizvedu i prodaju najmanje pet tona pšenice i raži, odnosno ostvare proizvodnju na najmanjoj površini od 2 ha.

27. Podrška za proizvodnju merkantilne pšenice i raži iznosi 0,05 KM/kg proizvedene i prodane pšenice i raži.

Za isplatu novčanih podrški kandidati Kantonalnom ministarstvu dostavljaju slijedeću dokumentaciju:

- a) Tabelarni prikaz obračunate premije,
- b) Zapisnik općinske službe o obavljenoj žetvi,
- c) ZK uložak, katastarsku evidenciju, ili ugovor o zakupu zemljišta,
- d) Račun o prodanoj pšenici i raži.

Komisija će kantonalnom ministru dostaviti obračun novčane podrške za proizvodnju merkantilne pšenice i raži (obrazac broj B-3).

15. OSTVARIVANJE NOVČANIH PODRŠKI ZA PROIZVODNJU POVRĆA

28. Pravo na podršku imaju kandidati (fizička lica) koji su putem registrovanog prerađivača–otkuplivača sklopili ugovor o proizvodnji.

29. Podrška za proizvodnju i plasman povrća: krastavca, paprike, paradajza, crnog luka, cikle i karfiola iznosi 0,05 KM/kg.

30. Najmanja ugovorena proizvodnja za koju se može ostvariti podrška je 2.000 kg.

31. Za isplatu novčanih podrški prerađivač–otkupljivač povrća, putem općinske službe za poljoprivredu, dostavlja Komisiji Kantonalnog ministarstva slijedeću dokumentaciju:

- a) Spisak proizvođača povrća,
- b) Ugovor o proizvodnji sa prerađivačem–otkupljivačem,
- c) Račun o prodanoj količini povrća,
- d) Zapisnik općinske poljoprivredne stručne službe o obavljenoj sjetvi–sadnji.

Komisija će kantonalnom ministru dostaviti obračun novčane podrške za proizvodnju povrća (obrazac broj B-4).

16. OSTVARIVANJE NOVČANIH PODRŠKI ZA PROIZVODNJU LJEKOVITOG BILJA

32. Pravo na podršku stiču kandidati koji ostvare proizvodnju na najmanjoj površini od 0,2 ha.

33. Podrška za proizvodnju ljekovitog bilja iznosi 1.000 KM/ha proizvedenog i prodanog ljekovitog bilja.

34. Za isplatu novčanih podrški kandidati Komisiji Kantonalnog ministarstva dostavljaju slijedeću dokumentaciju:

- a) Zapisnik općinske službe za poljoprivredu o obavljenoj sjetvi,
- b) ZK uložak, katastarsku evidenciju, ili ugovor o zakupu zemljišta,
- c) Račun o prodanoj količini ljekovitog bilja.

Komisija će kantonalnom ministru dostaviti obračun novčane podrške za proizvodnju ljekovite bilje (obrazac broj B-5).

17. PROIZVODNJA ULJARICA (SOJA, ULJANA REPICA, SUNCOKRET)

35. Pravo na novčanu podršku stiču korisnici – proizvođači koji ostvare proizvodnju na minimalnoj površini od 1ha.

36. Novčana podrška za proizvodnju biljaka uljarica iznosi 0,10 KM/kg.

37. Za isplatu novčanih podrški kandidati Komisiji Kantonalnog ministarstva poljoprivrede dostavljaju slijedeću dokumentaciju:

- a) Zapisnik općinske službe za poljoprivredu o obavljenoj sjetvi,
- b) ZK uložak, katastarsku evidenciju, ili ugovor o zakupu zemljišta,
- c) Račun o prodanoj količini uljarica registrovanom otkupljivaču – prerađivaču.

Komisija će kantonalnom ministru dostaviti obračun novčane podrške za proizvodnju uljarica (obrazac broj B-6).

18. PROIZVODNJA U ZATVORENOM PROSTORU

38. Pravo na novčanu podršku stiču korisnici–proizvođači koji ostvare proizvodnju u plasteniku–stakleniku minimalne površine od 150 m².

39. Novčana podrška za proizvodnju u zatvorenom prostoru iznosi 5 KM/m².

40. Za isplatu novčanih podrški kandidati Komisiji Kantonalnog ministarstva poljoprivrede dostavljaju slijedeću dokumentaciju:

- a) Zapisnik općinske službe za poljoprivredu o površini plastenika–staklenika, te o zasijanim–zasadenim kulturama,
- b) ZK uložak, katastarsku evidenciju, ili ugovor o zakupu zemljišta na kom je podignut platenik–staklenik,
- c) Račun o kupljenom plateniku–stakleniku.

Komisija će kantonalnom ministru dostaviti obračun novčane podrške za proizvodnju u zatvorenom prostoru na obrascu br. B-7.

19. OSTVARIVANJE NOVČANIH PODRŠKI U ZASNIVANJU VOĆNJAKA NA KONTINENTALNOM PODRUČJU

41. Pravo na novčane podrške stiču kandidati koji su vlasnici ili koncesionari zemljišta na kojem se zasniva novi voćnjak od 0,2 ha površine, odnosno 0,1 ha površine kod jagodičastog voća.

- a) Zasnivanje voćnjaka drvenastog voća 3.000 KM/ha
- b) Zasnivanje voćnjaka jagodičastog voća 2.500 KM/ha

42. Podrška za zasnivanje voćnjaka dana članom 41. odnosi se na heterogen zasad s mini-

malnom površinom monokulture od 0,2 ha drvenastih voćnih sadnica, odnosno 0,1 ha jagodičastog voća.

43. Broj sadnica po hektaru površine ne može biti manji od propisanih standarda za svaku vrstu voća.

44. Za isplatu novčanih podrški kandidati su dužni Kantonalnom ministarstvu dostaviti slijedeću dokumentaciju:

- a) Dokaz o gruntovnom vlasništvu nad parcelom (ZK uložak, katastarska evidencija, ili ugovor o zakupu),
- b) Zapisnik Kantonalne ili općinske stručne službe da je voćnjak zasnovan na veličini, propisanoj vrsti voća i broju i po standardu za svaku vrstu voća,
- c) Račun o nabavci sadnica sa potvrdom o zdravstvenoj ispravnosti sadnica koju izdaje ovlaštena institucija,
- d) Potvrdu o izvršenoj kontroli plodnosti tla (pedološki nalaz), koju izdaje ovlaštena institucija (Poljoprivredni zavod USK-a).

Komisija će kantonalnom ministru dostaviti obračun novčanih podrški na propisanom obrascu (obrazac broj C-1 i C-2).

20. OSTVARIVANJE PODRŠKI U RAZVOJU NOVIH TEHNOLOGIJA U PRIMARNOJ POLJOPRIVREDNOJ PROIZVODNJI

45. Pravo na podršku za razvoj novih tehnologija imaju naučne i stručne institucije, te fizička lica na osnovu podnesenog programa i odluke.

46. Pojam novih tehnologija podrazumijeva praktičnu primjenu savremenih naučnih dostignuća na imanjima farmera, istraživanja postojećeg stanja u oblasti primarne poljoprivredne proizvodnje, uvođenje upravljačko-informacijskih tehnologija i zaštite autohtonih domaćih pasmina i sorti.

47. Nove tehnologije mogu se primjenjivati samo na proizvodnje koje su potvrđene Odlukom o osnovnim kriterijima i načinu ostvarivanja novčanih podrški u primarnoj poljoprivrednoj proizvodnji iz Budžeta USK-a za 2007. godinu.

48. Ponuđeni program sadrži slijedeće elemente:

- a) Ime i prezime farmera, odnosno fizičkog/pravnog lica kod kojeg će se program aplicirati,

b) Lokaciju izvođenja programa (općina, mjesna zajednica),

c) Vrijeme i trajanje uvođenja novih tehnologija (početak i završetak projekta),

d) Ekonomičnost uvođenja nove tehnologije i marketinga.

49. Komisija za ocjenu ponuđenih projekata-programa za podrške u razvoju novih tehnologija odlučuju o tome da li će podržavati cjelovit program ili njegov dio, ovisno od raspoloživih sredstava, vrijednosti programa, odnosno njegovih dijelova.

Korisnici odobrenih sredstava po realizaciji projekta obavezni su Komisiji dostaviti izvještaj.

21. OSTVARIVANJE PODRŠKE ZA RAZVOJ ORGANSKE POLJOPRIVREDE

50. Pravo na podršku stiču pravna i fizička lica koja se žele baviti organskom poljoprivredom i koja su ušla u proces certifikacije.

51. Podrška za razvoj organske poljoprivrede isplaćivat će se u visini troškova certifikacije (maks. 500 KM/proizvođač).

52. Za isplatu novčanih podrški kandidati Komisiji Kantonalnog ministarstva dostavljaju slijedeću dokumentaciju:

- a) Potvrdu certifikacijske kuće (IMO, KRAV, UKROFS i sl.) o uključivanju imenovanog poljoprivrednog proizvođača u proces certifikacije s troškovnikom.

53. Pravna lica mogu ostvariti pravo na podršku za razvoj organske poljoprivrede ako se bave organiziranjem ove vrste proizvodnje, a od općeg interesa je za Kanton. Opći interes i visinu podrške na osnovu kandidiranog projekta utvrđuje Komisija Kantonalnog ministarstva poljoprivrede.

22. SREDSTVA ZA STRUČNE I ADMINISTRATIVNE POSLOVE

54. Pravo na podršku ima Kantonalna komisija i operativna lica angažovana na realizaciji kantonalnih novčanih podrški iz budžeta USK-a za 2007. godinu.

55. Sredstva za stručne i administrativne poslove ostvaruje Komisija za podrške i operativna lica koja su učestvovala u kompletiranju, obradi i

realizaciji kantonalnih novčanih podrški iz budžeta USK-a. Na osnovu podnijetog izvještaja Komisije, resoroni ministar rješenjem će utvrditi pojedinačnu visinu naknade.

23. ANALIZA POLJOPRIVREDNOG ZEMLJIŠTA

1. Pravo na novčanu podršku stiče Poljoprivredni zavod kao ovlaštena kantonalna ustanova za agropedološku analizu zemljišta.

2. Novčana podrška za pojedinačni uzorak analiziranog zemljišta iznosi 50 KM.

3. Za isplatu novčanih podrški korisnik će Komisiji Kantonalnog ministarstva poljoprivrede kvartalno dostavljati primjerak urađenih analiza zemljišta s obračunom, te preporukom za popravak istog.

Komisija Kantonalnog ministarstva može po potrebi zahtijevati od korisnika novčane podrške složenije agropedološke analize na državnom zemljištu od interesa za Kanton, o čemu će se sačiniti poseban ugovor.

Maksimalni broj uzoraka zemljišta po poljoprivrednom proizvođaču (fizičko - pravno lice) iznosi 6.

24. ZAŠTITA BILJA

- Pravo na novčanu podršku stiče Izvještajno - prognozna služba za zaštitu bilja Poljoprivrednog zavoda na osnovu podnesenog programa.

- Za isplatu novčanih podrški kandidat će Komisiji Kantonalnog ministarstva poljoprivrede dostaviti program zaštite bilja s predloženim monitoringom praćenja najznačajnijih karantenskih bolesti-štetočina na području Unsko-sanskog kantona.

- Sačiniti konačan izvještaj o urađenim aktivnostima nakon završetka projekta.

25. PARTICIPACIJA IZRADE MLIJEČNOG KARTONA

57. Pravo na podršku imaju poljoprivredni proizvođači-vlasnici mliječnih krava koji su u lancu otkupa mlijeka putem JU "Veterinarski zavod Bihać", koji će vršiti laboratorijsku dijagnostiku na osnovu podnijetog programa.

58. Podrška u participaciji izrade mliječnog kartona iznosi 20 KM/muzno grlo. Komisiji

Kantonalnog ministarstva će JU "Veterinarski zavod Bihać" dostavljati izvještaje o izvršenim analizama za protekli mjesec, s tabelarnim prikazom urađenih analiza po općinama i veterinarskim organizacijama.

Tabelarni prikaz urađenih veterinarsko-zdravstvenih nalaza od muznih grla obuhvaćenih ovom mjerom (ime i prezime farmera, JMBG , šifra imanja po AIMCS-u, broj ušne markice po AIMCS-u /u excelu na disketi/) dostavljat će nadležne veterinarske organizacije na osnovu finansiranja terenske dijagnostike za izradu mliječnog kartona (tuberkulinizacija i mastitis-test).

Komisija će kantonalnom ministru dostaviti obračun novčane podrške za participaciju izrade mliječnog kartona za 2007. godinu.

26. ANALIZA VOLUMINOZNE I KONCENTROVANE STOČNE HRANE

- Pravo na novčanu podršku stiče Poljoprivredni zavod kao ovlaštena ustanova za kontrolu kvaliteta namirnica biljnog porijekla, a koje se koriste u ishrani različitih kategorija domaćih životinja.

- Novčana podrška za pojedinačno analizirani uzorak voluminozne stočne hrane iznosi 50 KM, a koncentrovane stočne hrane 60 KM.

- Za isplatu novčanih podrški korisnik će Komisiji Kantonalnog ministarstva poljoprivrede dostaviti slijedeću dokumentaciju:

- a) Kvartalno dostaviti primjerak urađenih analiza s obračunom i datom preporukom,
- b) Maksimalni broj uzoraka voluminozne i koncentrovane stočne hrane (za proizvođače koji imaju 1-5 goveda, odnosno 10-50 ovaca i koza, iznosi 10 uzoraka, dok bi proizvođači koji imaju 5-20 goveda, odnosno 200 ovaca i koza dostavljali 15, a proizvođači koji imaju preko 20 goveda, odnosno preko 200 ovaca i koza, maksimalno dostavljali 20 uzoraka).

Komisija Kantonalnog ministarstva može, po potrebi, zahtijevati od korisnika ove novčane podrške da za određene pravne subjekte odnosno značajnije poljoprivredne proizvođače uradi i dodatne - specijalizirane analize voluminozne i koncentrovane stočne hrane.

27. SUFINANSIRANJE NABAVKE OPREME ZA KONTROLU PRISUSTVA PESTICIDA U ISHRANI

- Pravo na novčanu podršku stiče Poljoprivredni zavod na osnovu podnesenog programa.

- Ukupna novčana podrška za isti program iznosi 62.000,00 KM.

- Za isplatu novčane podrške korisnik iste će Komisiji Kantonalnog ministarstva poljoprivrede dostaviti program s navedenom potrebom nabavke tražene opreme.

Nakon dostavljanja navedenog programa, te njegovog usvajanja, Poljoprivrednom zavodu bit će doznačena odobrena finansijska sredstva uz obavezu iste ustanove da, u skladu sa Zakonom o javnim nabavkama, provede proceduru nabavke opreme.

Nakon realizacije programa, korisnik sredstava dužan je Komisiji podnijeti izvještaj.

28. PROIZVODNJA SJEMENSKOG KROMPIRA–ROD 2006. GODINE

- Pravo na podršku imaju korisnici–proizvođači koji su upisani u Registar proizvođača sjemena, presadnica i micelija jestivih i ljekovitih gljiva i Registar dorađivača sjemena kod Federalnog ministarstva.

- Novčana podrška za proizvodnju sjemenskog krompira sa sorte liste kategorije elite i original iznosi 0,07 KM/kg.

- Korisnici novčanih potpora za proizvodnju sjemenskog krompira, da bi ostvarili pravo na novčanu podršku, moraju ostvariti proizvodnju na najmanjoj površini od 5 ha.

- Za isplatu novčanih podrški korisnik dostavlja Komisiji Kantonalnog ministarstva slijedeću dokumentaciju:

a) Rješenje o upisu u Registar proizvođača sjemena, presadnica i micelija jestivih i ljekovitih gljiva kod Federalnog ministarstva, kao i rješenje o upisu u Registar dorađivača poljoprivrednog sjemena kod Federalnog ministarstva,

b) ZK uložak, ili katastarsku evidenciju, ili ugovor o zakupu zemljišta.

c) Narudžbenicu i fakturu za prodano sjeme,

d) Dokument da je sjeme iskorišteno za vlastitu proizvodnju (otpremnicu, izlaz robe),

e) Uvjerenje o priznavanju sjemenskog usjeva na obrascu broj 2, koji je propisan Pravilnikom o stručnom pregledu sjemenskog usjeva ("Sl. novine FBiH", broj 14 /04).

f) Svjedodžbu o zdravstvenom stanju sjemenskog usjeva izdanu od Poljoprivrednog zavoda USK-a.

29. UZGOJ RIBLJE MLAĐI (LIPEN, POTOČNA PASTRMKA I MLADICA)

Pravo na novčanu podršku za uzgoj riblje mlađi stiču korisnici–pravna lica koja su kod nadležnog suda registrovana za tu djelatnost ako godišnje proizvedu najmanje 100.000 komada riblje mlađi.

Proizvodni objekti trebaju biti registrirani kod federalnog ili kantonalnog ministarstva za uzgoj ribe i proizvodnju riblje mlađi.

Novčana podrška za uzgoj riblje mlađi iznosi 0,1 KM/kom., s tim što u kilogramu mora biti najmanje 20 komada.

Za isplatu novčanih podrški kandidati kantonalnom ministarstvu dostavljaju slijedeću dokumentaciju:

a) Rješenje o upisu u registar o izdanim dozvolama za akvakulturu koji se vodi kod kantonalnog ministarstva (iz Pravilnika o obliku, sadržaju i načinu vođenja registra o izdanim dozvolama za akvakulturu /"Službene novine Federacije BiH ", broj 64/05/),

b) Uvjerenje da je mlađ zdrava,

c) Uvjerenje da su poduzeti svi zdravstveni pregledi u toku uzgoja,

d) Izvještaj o proizvedenoj količini riblje mlađi na obrascu "komercijalna proizvodnja hladnovodnih vrsta riba" (iz Pravilnika o obliku, sadržaju i načinu vođenja registra o izdanim dozvolama za akvakulturu),

e) Račun o plasmanu riblje mlađi.

Krajnji rok za dostavu dokumentacije je 30. novembar tekuće godine.

30. ZAŠTITA RIBLJEG FONDA (PORIBLJAVANJE RIBOLOVNIH VODA)

Pravo na novčanu podršku stiču fizička ili pravna lica, kao i udruženja sportskih ribolovaca koja imaju potpisan ugovor s kantonalnim ministarstvom o korištenju ribolovnog prava na ribolovnim područjima ili zonama u okviru ribolovnih voda USK-a.

Novčana podrška iznosi 0,1 KM /kom. riblje mlađi kojom je izvršeno poribljavanje.

Za isplatu novčanih podrški kandidati kantonalnom ministarstvu dostavljaju slijedeću dokumentaciju:

- a) Ugovor o korištenju ribolovnog prava na ribolovnim područjima ili zonama u okviru ribolovnih voda USK-a,
- b) Dokaz da je član Federalnog ribolovnog saveza FBiH,
- c) Potvrdu Federalnog ribolovnog saveza da su ribolovne dozvole i ispite proveli u skladu sa Zakonom o slatkovodnom ribarstvu ("Službene novine FBiH", br. 64/04),
- d) Godišnji plan gospodarenja ribolovnom vodom i plan poribljavanja,
- e) Potvrdu da je mlađ nabavljena u domaćoj proizvodnji i račun o nabavci riblje mlađi,
- f) Zapisnik poljoprivrednog inspektora o poribljavanju.

Krajnji rok za dostavu dokumentacije je 30. novembar, nakon čega će se izvršiti obračun novčane podrške.

31. OSPOSOBLJAVANJE STRUČNIH KADROVA ZA REALIZACIJU NOVČANIH PODRŠKI

Podršku za osposobljavanje stručnih kadrova za realizaciju novčanih podrški D. tačka 6. ostvaruju certificirani stručnjaci na osnovu podnesenog programa odobrenog od strane Komisije.

III - OBAVEZE KORISNIKA NAKON PRIJEMA NOVČANE PODRŠKE

59. Korisnik novčanih podrški dužan je vratiti novčana sredstva dobivena na osnovu netačnih podataka, ili ako namjenska sredstva nenamjenski utroši, zajedno sa zateznom kamatom u roku od 30 dana od dana donošenja rješenja kojim nadležni kantonalni inspektor naređuje korisniku prava na povrat novčanih sredstava.

IV - NADZOR I KONTROLA

60. Kontrolu osnovanosti zahtjeva i dokumentacije za novčane podrške vrši Komisija koju je formirao kantonalni ministar, a nadzor Kantonalna inspekcija.

V - ZAVRŠNE ODREDBE

61. Ovo Uputstvo stupa na snagu narednog dana od dana objavljivanja u "Službenom glasniku USK-a".

Broj 08-24-5142-1/07
18. maja 2007. godine
B i h a ć

Ministrica
Rasima Bobić

Obrazac br. A-4 (obrađiti u excel-u)

OBRAČUN NOVČANE PODRŠKE ZA TOV JUNADI

Naziv i sjedište banke (filijale) proizvođača : _____
 Transakcijski broj žiro-računa : _____

R/b	Prezime i ime / naziv pravnog lica proizvođača	JMBG/IB	IP/FA	Opština	Adresa	Registarski broj proizvođača	Broj i datum ugovora sa registrovanim otkuplivačem	Ukupan broj grta	Iznos podrške 180KM/grto	Ukupan iznos podrške KM	Vlastiti broj žiro-računa korisnika novčane podrške
1											
2											
3											
4											
5											
6											
7											
8											
9											
10											
11											
12											
13											
	UKUPNO										

Mjesto i datum

MP. Počpis odgovornog lica selekcijske službe

M.P. Počpis kantonalnog ministra

Obrazac br. A-5 (obraditi u excel-u)

OBRAČUN NOVČANE PODRŠKE ZA TOV JAGNJADI

Naziv i sjedište banke (filijale) proizvođača : _____
 Transakcijski broj žiro-računa : _____

R/b	Prezime i ime / naziv pravnog lica proizvođača	JMBG/IB	IP/FA	Opština	Adresa	Registarski broj proizvođača	Broj i datum ugovora sa otkupjivačem	Ukupan broj grta	Iznos podrške 15KM/grlo	Ukupan iznos podrške KM	Vlasiti broj žiro-računa korisnika novčane podrške
1											
2											
3											
4											
5											
6											
7											
8											
9											
10											
11											
12											
13											
	UKUPNO										

Mjesto i datum

M.P. Potpis odgovornog lica selekcijske službe

M.P. Potpis kantonalnog ministra

S A D R Ź A J

187. Odluku o vrsti, osnovnim kriterijima i načinu ostvarivanja novčanih podrški u primarnoj poljoprivrednoj proizvodnji iz Budžeta Unsko-sanskog kantona za 2007. godinu	373	188. Uputstvo za ostvarivanje novčanih podrški u primarnoj poljoprivrednoj proizvodnji za 2007. godinu	378
--	-----	---	-----

OBAVJEŠTENJE

Obavještavamo pravna i fizička lica, dosadašnje pretplatnike, kao i lica koja žele da se pretplate za "Službeni glasnik Unsko-sanskog kantona" za ovu i narednu godinu, da godišnja pretplata iznosi 200,00 KM sa porezom, a može se izvršiti na račun broj 1290079402494455 u korist Budžeta USK-a, vrsta prihoda 722631, budžetska organizacija 2101001, identifikacijski broj 4263249630000.